

## SERELLA MINA CARE

Comma facce, serella mina care  
pe preparà la rrobbe a llu frechè  
ch'è da partì, pe fa lu mulutare?

— Che t'abbesugne? a mme nne lu pu dì?

Presempie: cchi mme cusce le metanne?...

Ddu maiettelle cchi me le po fa?...

Ggerenne pe lu monne, 'n-ce lu manne,  
e nûde e crûde come nu zzevè!!

— E tu che donna scì, pe la matine?...

— Nesciû se smaghe quanne te j quatrì!

— Se tu va lo' a Deline de Seline,

— quante metanne vù, te po cuscì!

— Le maie, che le stampe nghe 'na sere,

— Amelie te le fa e ppu bbe prassà!

Ssa donne, nna cunosce per davere,

de case, dimma 'mbuche, dduva sta?

— Accante a Ide la Sciacquapantane,

— da la Musciane, sta mmeccò ppiù lla.

— Lu Setacciare ne gne sta lentane,

— la Generose, pu, lla 'nnanze sta!

— Cugate de Mariette de Memine

— e de la Puciarelle che sta lo'!...

Se mme dicive prime: LA 'MBRESCINE!

nen te facì parlà 'ncinente a mo!!